

## HARI MINGGU BIASA KE-32 (B)

- 1 Raja-raja 17:10-16;
- Mazmur 145 (146): 7-10. R/ v. 2;
- Ibrani 9:24-28
- Markus 12:38-44

### Tema: BERGANTUNGLAH KEPADA ALLAH UNTUK KEHIDUPAN ROHANI DAN MATERIAL KITA

Hari ini adalah Hari Minggu Biasa ke-32, Tahun Liturgi B. Bacaan-bacaan hari ini memberitahu kita untuk bergantung kepada Allah bagi kehidupan material dan kerohanian kita. Pengantar Injil hari ini memberitahu kita bahawa yang miskin rohani diberkati dan kerajaan Allah kepunyaannya mereka!

Yang miskin rohani adalah yang miskin keperluan material, miskin kerohanian dan yang penting sekali, mereka adalah yang bergantung kepada Allah dalam kehidupan material dan rohani mereka! Dengan itu Pengantar Injil:

*“Berbahagialah yang hidup miskin terdorong oleh Roh Kudus, sebab bagi mereka lah kerajaan Allah.”* (Mat 5:3; SM)

Saudara dan saudari religius kita dan para paderi kita mengambil janji kemiskinan, bukan disebabkan kemiskinan itu baik, bukan kerana mereka mahu membantu yang miskin, tetapi disebabkan mereka mahu bergantung kepada Allah dalam kehidupan rohani dan material mereka! Mereka percaya bahawa Allah akan menyediakannya! Mereka percaya akan pemeliharaan Allah! Mereka mempunyai iman yang besar!

*“Tetapi carilah dahulu Kerajaan Allah dan kebenarannya, maka semuanya itu akan ditambahkan kepadamu.”* (Mt 6:33; CSB)

Iaitu, carilah dahulu kerajaan cinta kasih, keadilan dan damai dan penyelamatan-Nya, dan segala perkara yang lain akan diberikan kepadamu juga!

Injil hari ini memberitahu kita bahawa seorang janda telah memberi semua yang ada padanya dan semua yang dia bergantung hidup kepada bendahara rumah ibadat! Sesungguhnya ia sungguh bermurah hati! Dia lebih murah hati daripada orang kaya yang memberi lebih banyak. Walaupun dia hanya memberi dua siling kecil, dia memberi segala yang ada padanya dan segala yang dia bergantung hidupnya! Dia memberi seluruh kehidupannya kepada bendahara rumah ibadat!

Tetapi yang lebih penting, dia adalah janda yang mempunyai iman yang besar. Dia bergantung kepada Allah bagi kehidupan rohani dan materialnya! (CSB) Dia membayangkan Yesus Kristus yang bergantung kepada Allah bagi kehidupan rohani dan material-Nya sehingga kematian-Nya, kebangkitan-Nya dan penyelamatan seluruh dunia!

Bacaan pertama menuruti tema Injil. Bacaan pertama memberitahu kita mengenai seorang lagi janda – dalam dunia lelaki, para janda tidak mempunyai kuasa atau wang! Bacaan pertama memberitahu kita bahawa seorang janda berkongsi makanan terakhirnya bersama nabi Elia. Selepas itu dia dan anak lelakinya akan mati kelaparan sebab tiada lagi makanan yang tinggal untuk dimakan. Sessungguhnya janda tersebut sungguh murah hati. Dia berkongsi segala yang dia ada untuk hidupannya dengan nabi Elia.

Tetapi yang lebih penting, dia adalah janda yang mempunyai iman yang besar. (CSB) Dia bergantung kepada Allah bagi kehidupan rohani dan materialnya! Dan disebabkan oleh keimanannya yang besar Tuhan menganugerahinya dengan makanan dan kehidupan. Dia dan anak lelakinya tidak akan mati

kelaparan. Dia dan anak lelakinya akan dapat makanan untuk dimakan dan akan hidup! Dengan itu bacaan pertama memberitahu kita,

*“Tepung dalam tempayan itu tidak habis dan minyak dalam buli-buli itu tidak berkurangan seperti sabda Tuhan yang diucapkan oleh Nabi Elia.”* (1 Raja-raja 17: 16; SM)

Mazmur antarbacaan menuruti tema bacaan pertama. Mazmur antarbacaan juga memberitahu kepada kita untuk percaya kepada Allah dan bergantung kepada Allah, sebab Dia adalah Allah yang memberi keadilan kepada yang dianiaya, yang memberi makanan kepada yang lapar, yang membebaskan mereka yang ditawan, yang memberi penglihatan kepada yang buta, yang melindungi orang asing, yang membantu para yatim piatu dan janda, dll.! (CSB; HCSB) Dengan itu kita baca Mazmur antarbacaan:

*“Tuhan menjamin keadilan bagi orang yang tertindas. Ia memberi makan orang yang lapar, membebaskan orang yang terbelenggu. Tuhan membuka mata orang buta, menegakkan orang yang bungkuk. Tuhan melindungi orang asing, memelihara para yatim piatu dan janda. Tuhan mengasihi orang jujur, tetapi orang berdosa digulingkan-Nya. Tuhanlah raja selama-lamanya, Dialah Allahmu, hai Sion, turun-temurun.”* (Ps 145 (146): 7-9; SM)

Dan dengan itu juga sahutan kepada Mazmur antarbacaan:

*“Pujilah Tuhan, hai hatiku”* (Mzm 145 (146): 2; SM)

Bacaan kedua adalah sambungan kepada bacaan kedua pada minggu-minggu yang lepas. Sekali lagi, bacaan kedua membandingkan keimaman manusia Yahudi dalam Perjanjian Lama dengan keimaman Yesus Kristus dalam Perjanjian Baru:

- (i) Keimaman Manusia mempunyai santuari di bumi yang dibuat oleh tangan manusia, tetapi keimaman Yesus Kristus mempunyai santuarinya di surga di mana adanya Allah!
- (ii) Keimaman manusia mempersesembahkan darah korban binatang setiap tahun pada Hari Pertobatan, tetapi Yesus Kristus sendiri persesembahkan diri-Nya sebagai korban sekali dan untuk semua!
- (iii) Keimaman manusia tidak akan datang untuk kali kedua pada masa Parousia, tetapi Yesus Kristus akan datang untuk kali kedua pada masa Parousia untuk menganugerahkan keselamatan kepada mereka yang menantikan Dia!

Sekali lagi, hari ini dalam Misa Kudus, dalam kuasa Roh Kudus, Gereja membuat hadir, benar dan berkesan, sekali dan bagi semua korban Yesus Kristus untuk keselamatan kita dan sekali lagi dalam Misa Kudus ini, kita menerima Roh Kudus untuk membantu kita bergantung kepada Allah atas segala kehidupan rohani dan material kita! Sukacita dan Minggu yang kudus untuk kamu semua!

Amen!

**Cadangan soalan untuk renungan perseorangan dan perkongsian dalam keluarga, dalam kumulan kecil, dan kumpulan komuniti-komuniti yang kecil:**

1. Adakah kamu mengamalkan kemurahan hati / derma? Adakah kamu memberi kepada yang miskin? Adakah kamu berkongsi dengan yang memerlukan?
2. Adakah kamu percaya bahawa dengan membantu mereka yang miskin, kita membantu diri kita sendiri untuk bergantung kepada Allah untuk kehidupan rohani dan material kita?
3. Adakah kamu bergantung kepada Allah atas segala kehidupan rohani dan material kamu?
4. Percayakah kamu bahawa jika kamu mencari dahulu kerajaan Allah dan segala kebenaranNya, iaitu, kerajaan cinta kasih, keadilan, damai dan penyelamatan, segala sesuatu akan diberi kepada kamu juga?
5. Percayakah kamu bahawa Misa Kudus hari Minggu membuat hadir, benar dan berkesan yang sekali dan korban Yesus Kristus untuk semua demi penyelamatan kita? Adakah kamu datang ke Misa Kudus setiap minggu?

**Fr. Nicholas Ong, Holy Trinity Catholic Church (HTCC), Tawau, Sabah, Malaysia,**